

ANG TANAN ALANG SA PAGHIMAYA SA DIOS



Lesson 5 for August 1, 2026



(1 Corinto 10:31,
NKJV)"Busa, bisan kamo
mokaon o moinom, o unsa
man gani ang inyong
buhaton, buhata ang tanan
alang sa himaya sa Dios."

Sugod sa 1 Corinto 7, gitubag ni Pablo ang sunod-sunod nga mga pangutana nga gipadala kaniya sa mga taga-Corinto pinaagi sa sulat (1 Cor. 7:1a).

Tungod niini, bisan pa man nga ang mga kapitulo 8 hangtod 10 nagpunting ilabina sa isyu sa pagsimba sa mga diosdios, gisagol usab ni Pablo ang ubang mga hilisgutan nga daw walay direktang kalabutan niini.

Apan adunay usa ka komon nga tema nga makita sa matag hilisgutan—ang gugma ug pagtinahuray sa usag usa, nga mao ang pundasyon sa pagkahiusa sa iglesia.

Kauban niini nga mensahe, gipasiugda usab ni Pablo nga ang tanan nga atong buhaton—sa iglesia man o sa atong pribadong kinabuhi—kinahanglan buhaton alang sa himaya sa Dios. (1 Corinto 10:31)



1 Corinto 8

**Pagkaon nga Gihalad sa mga Diosdios
(Kahibalo ug Gugma)**

1 Corinto 9

**Gibiyaan ni Pablo ang Iyang mga Katungod
(Ang mga Katungod sa Ebanghelyo)**

1 Corinto 10:1-13

**Pasidaan Batok sa Pagsimba sa mga Diosdios
(Mga Leksyon Gikan sa Nangagi)**

1 Corinto 10:14-22

**Ang Panihapon sa Ginoo ug ang Kopa sa mga
Demonyo
(Biyai ang Pagsimba sa mga Diosdios)**

1 Corinto 10:23-33

**Buhata ang Tanan Alang sa Himaya sa Dios
(Unsay Gitugotan ug Unsay Angay Buhaton)**

KAHIBALO UG GUGMA

1 Corinto 8 (Pagkaon nga Gihalad sa mga Dios)

"Ang kahibalo makapahambog, apan ang gugma maoy nagapalig-on."— 1 Corinto 8:1b

Gibahin ni Pablo ang Iglesia ngadto sa Duha ka Grupo: ang "Kusgan" ug ang "Maluya" 1 Corinto 8:4–7a

1 Corinto 8:4-7a

Ang Kusgan Sa Pagtoo: Nasabtan nila nga ang mga diosdios walay tinuod nga gahum. Nagtuo sila nga usa lamang ang tinuod nga Dios.

"Ang maluya wala pa makasabot pag-ayo niini."

1 Corinto 8:7b

"Ang kusgan mokaon sa karne nga gihalad sa mga diosdios kay nasayod sila nga ang mga diosdios walay gahum sa paghugaw sa pagkaon."

"Ang maluya nagtuo nga makasala sila kung mokaon sa karne nga gihalad sa mga diosdios."

Apan ang kusgan, pinaagi sa iyang kahibalo ug panig-ingnan, mahimong hinungdan nga ang maluya mapukan (1 Corinto 8:10). Tungod sa gugma alang sa iyang igsoon, ang kusgan kinahanglan magpugong sa iyang kaugalingon (1 Corinto 8:11–13).

Ang mga Kristohanon kinahanglan unahon ang gugma kaysa kahibalo kon ang ilang kahibalo mahimong kapangdolan sa "maluya" nga igsoon, nga anaa pa sa proseso sa pagtubo sa pagtuo.



ANG MGA KATUNGOD SA EBANGHELYO

1 Corinto 9 (Gibiyaan ni Pablo ang Iyang mga Katungod)

"In the same way, the Lord has commanded that those who preach the gospel should receive their living from the gospel." (1 Corinthians 9:14)

Gibiyaan ni Pablo ang labing menos tulo ka mga katungod tungod sa



* Katungod nga Pakaunon ug Suportahan sa Iglesia (1 Corinto 9:4)

Gibiyaan ni Pablo ang iyang katungod isip apostol nga suportahan sa mga iglesia nga iyang gi-alagaran, bisan pa man nga kini maoy gibuhay alang sa ubang mga apostol. Gipili niya ang pagsakripisyo sa iyang katungod aron walay bisan unsang makababag sa pagdawat sa mga tawo sa ebanghelyo.



* Katungod nga Ubanan sa Asawa sa Ministeryo (1 Corinto 9:5)

Kasagaran sa mga apostol nagbiyahe uban sa ilang mga asawa aron maatiman sila ug makatabang sa buluhaton sa ministeryo. Ang asawa sa apostol, sama sa iyang bana, adunay usab katungod nga suportahan sa iglesia samtang nag-alagad sila sa buluhaton sa Ginoo. Apan si Pablo mipili nga dili gamiton kini nga katungod alang sa kaayohan sa ebanghelyo.



* Katungod nga Dili na Magtrabaho Alang sa Panginabuhian (1 Corinto 9:6)


Gipili ni Pablo ang pagtrabaho aron masuportahan ang iyang kaugalingon, bisan pa adunay siya'y katungod nga mabuhi pinaagi sa ministeryo. Gibuhay niya kini aron walay maghunahuna nga nangwarta siya pinaagi sa ebanghelyo, ug aron mahimong panig-ingnan sa pagkadili hakog ug pagsakripisyo alang sa kaayohan sa uban.

Bisan pa nga klaro nga gitudlo ni Jesus nga ang mga nagawali sa ebanghelyo kinahanglan mabuhi pinaagi sa ebanghelyo, si Pablo ug si Barnabas boluntaryong mibiya sa maong katungod aron walay makababag sa pagtuo ug pagdawat sa mga magtutuo sa ebanghelyo (1 Corinto 9:12-14; Lucas 10:7). Ang ilang panig-ingnan nagpakita nga usahay ang gugma ug ang kaayohan sa uban mas labaw pa kaysa sa atong personal nga mga katungod.

MGA LEKSYON GIKAN SA NANGAGI






1 Corinto 10:1–13 (Pasidaan Batok sa Pagsimba sa mga Diosdios)

"Ayaw kamo pagsimba sa mga diosdios, sama sa gibuhat sa uban kanila; sumala sa nahisulat, 'Ang katawhan nanglingkod sa pagkaon ug pag-inom, ug unya mingtindog aron magsadya sa makasasala nga paagi.'"— 1 Corinto 10:7



Ang kasinatian sa Exodo, kon sabton sa espirituwal nga paagi, susama sa atong kaugalingong kasinatian isip mga Kristohanon. Ang ilang pagtabok sa Dagat nga Mapula usa ka hulagway sa atong pakigsaad pinaagi sa bautismo (1 Corinto 10:1–2).

Ang pagkaon ug ilimnon nga ilang gidawat didto sa kamingawan nagrepresentar sa atong pag-apil sa Balaang Panihapon, diin sa espirituwal nga paagi nakig-ambit kita sa lawas ug dugo ni Jesus Cristo (1 Corinto 10:3–4).



Pagbantay! Bisan pa sa daghang panalangin ug kasinatian sa mga Israelinhon, nahulog gihapon sila sa seryosong mga sala, lakip na ang pagsimba sa mga diosdios ug seksuwal nga imoralidad. Dili unta kini mahitabo kanato! (1 Corinto 10:5–10).

"Busa, ang naghunahuna nga siya nagatindog na, magbantay aron dili siya mapukan."— 1 Corinto 10:12

BIYAI ANG PAGSIMBA SA MGA DIOSDIOS

1 Corinto 10:14–22 (Ang Panihapon sa Ginoo ug ang Kopa sa mga Demonyo)

"Busa, mga hinigugma kong igsoon, likayi ninyo ang pagsimba sa mga diosdios."— 1 Corinto 10:14




Kon ang karne nga gihalad sa mga diosdios mahimong kan-on nga walay sala, nganong daw gisupak man kini ni Pablo sa 1 Corinto 10:20?

Lahi ang pagkaon sa karne sa pribadong lugar nga walay kalabot sa pagsimba, ug lahi usab ang pag-apil sa usa ka seremonyas diin gisimba ang mga diosdios. Ang pag-apil sa ingon nga seremonyas nagpasabot sa pag-uyon ug pagpakig-ambit sa pagsimba sa mga diosdios, nga dili angay alang sa usa ka sumusunod ni Cristo..

Pinaagi sa pag-apil sa Balaang Panihapon, nagpakig-ambit kita sa lawas ni Cristo, nga mao ang iglesia (1 Corinto 10:16–20). Apan kon moapil kita sa mga ritwal sa pagsimba sa mga diosdios, nagpakig-ambit usab kita sa mga demonyo.

Busa, dili mahimo nga moinom kita sa kopa sa Ginoo ug sa samang higayon moinom usab sa kopa sa mga demonyo (1 Corinto 10:21). Ang atong pagkamatinud-anon kinahanglan alang lamang kang Cristo.



UNSAY GITUGOTAN UG UNSAY ANGAY BUHATON

1 Corinto 10:23–33 (Buhata ang Tanan Alang sa Himaya sa Dios)

"Busa, bisan kamo mokaon o moinom, o unsa man gani ang inyong buhaton, buhata ang tanan alang sa himaya sa Dios."— 1 Corinto 10:31

"Ang tanan gitugotan, apan dili ang tanan mapuslanon."— 1 Corinto 10:23



Sa tindahan sa karne, adunay karne nga gihalad sa mga diosdios ug adunay usab wala gihalad. Gisugo ni Pablo ang mga magtutuo nga dili na mangutana sa gigikanan sa karne, aron dili maghatag sa impresyon nga dili na mahimong kan-on ang maong pagkaon (1 Corinto 10:25).

Kon ang usa ka dili magtutuo nagdapit sa usa ka magtutuo sa pagpangaon, mahimo siyang mokaon nga walay pangutana, kay alang kaniya gitugotan ang tanan nga pagkaon. Apan kon ang tagbalay moingon nga ang karne gihalad sa mga diosdios, kinahanglan nga dili na siya mokaon niini, dili tungod kay ang karne makapahugaw, kondili aron dili masamok ang konsensya sa uban (1 Corinto 10:27–29).



Ang sukaranang mga prinsipyo niini nga mga pagtulon-an mao ang: Buhata ang tanan alang sa himaya sa Dios (1 Corinto 10:31). Pangitaa ang kaayohan sa uban, dili lamang ang imong kaugalingon (1 Corinto 10:24, 32). Sa laing pagkasulti, higugmaa ang Dios labaw sa tanan ug higugmaa ang imong isigkatawo sama sa imong kaugalingon—mao usab kini ang gitudlo ni Jesus.

****"Gipahimangnoan sa apostol ang mga taga-Corinto pinaagi sa pag-ingon, 'Ang naghunahuna nga siya nagatindog na, magbantay aron dili siya mapukan.' Kon sila mahimong mapahitas-on ug mosalig lamang sa ilang kaugalingon, ug pasagdan ang pagbantay ug pag-ampo, mahulog sila sa mabug-at nga sala ug magdala sa silot sa Dios ngadto sa ilang kaugalingon. [...]Giawhag ni Pablo ang iyang mga igsoon nga pangutan-on ang ilang kaugalingon kon unsay mahimong epekto sa ilang mga pulong ug mga buhat ngadto sa uban. Dili sila angay mobuhat ug bisan unsang butang, bisan pa kon kini daw inosente sa iyang kaugalingon, nga mahimong magpakita og pag-uyon sa pagsimba sa mga diosdios o makapasakit sa konsensya niadtong mga maluya pa sa pagtuo.'Busa, bisan kamo mokaon o moinom, o unsa man gani ang inyong buhaton, buhata ang tanan alang sa himaya sa Dios. Ayaw kamo mahimong hinungdan sa kapangdolan sa mga Judio, sa mga Gentil, o sa iglesia sa Dios.'****

EGW (The Acts of the Apostles, p. 316)